



IN  
M O R T E M  
W. W Y N T E R

*Equitis Aurati.*

Monumentum diutinae mutuaeque amicitiae ergo.



LONDINI,

Apud THOMAM ORVVINVM Typographum,


1589.





In Strenui clariq; viri WILHELM I  
WYNTER *Equitis Aurati, Rei machinariae ad*  
*classem Regiam praefecti, eiusdemq; Curatoris*  
*fidissimi Obitum: tanquam constans etiam*  
*post funera mutuz debitq; amicitiae*  
*Symbolum, Mnemosyne lugu-*  
*bris & beneuola.*

(\*)

 Vrea munificè nuper quem gratia nostræ  
Principis Augustæ tanto est complexa favore,  
Præclari merito Procures quæ sic redamarunt,  
Quemq; Ducem pugnae fortem in certamine miles  
Comperit inuictum et Ductorem nauita classis,  
Atq; adeò Martis quem virtus usq; bearat,  
Qui paribus fuerat charus, quem plebs venerata est.  
Integer optatae custos pacisq; refector,  
Cultor amicitiae quo non syncerior ullus,  
Qui moritur patriæ et decus indelebile vixit:  
(Pròh dolor) effrænis rapuit brevis horula fati,  
Floruit (ah) nuper qui sic, modò desijt esse.

Strenuus exanimi WILHELMVS corpore WYNTER  
Cumbit humi: Celebris Bristolia cui dedit ortum,  
Ingenium, vires, formæ Natura decorem,  
Arboris et valido generosæ ex stemmate nasci:

In Obitum W. Wynter

Erudijt primis teneram Biscaia mentem

Artibus (antè alias) Numerandi & Cosmographiæ,

Dulcisonam Gentis streperæ accijt hîc sibi linguam

Calluit et propriè tanquam vernacula phrasis.

Qui citò correptus fervore remota petendi,

Ausus erat faciles aditus hinc pandere ad Indos,

Vrbes Barbariæ primas, locuplesq; Lygurnum:

Vnde lucrosa vltro citro commertia nunc sunt.

Vt verò incepit clarescere ab indole tanta,

Præproperè (tanquàm aptior ad graviora) vocatus,

Dum mare luctificis vastet Pirata rapinis,

Marte suo captis præstò prædonibus, omne

Ex infestato pacatum reddidit æquor.

Postea non quisquam fuerat terræve mariæ,

Extera qui promptis ad bella frequentior armis.

Ceperat hinc Iuvenis primas Albania vires,

Ad Muskelburgum (tanto in discrimine belli)

Ad Broughty, Dundy, vrbes Veruvijq; Ioannis:

Atq; novum ad latæ Sequanæ quando ostia portum,

Armis ac illustri nobilitate renidens

WARWICVS comis, COMES inclytus ille Strategus

Occupat invito Gallorum robore toto,

Per commenta trucem scloposq; minantia stragem,

Appulit



Equitis Aurati,

Appulit intrepidè obsessam WYNTERVS in arcem.  
Tyronem secum tenuit DVBLEIVS antè  
Belliger Armoricis quando Archithalassus in oris  
Conquet et hostiles Treportum diruit vrbes.  
Scandit et impavidus per tela strepentia littus,  
Regia dum mandata refert repetitq; Caletum.  
Athea Papalis divexat Iberia Hybernos,  
Turba, proterva, tumens, invisa hominiq; Deoq;,  
Præstans militia Dominus quam GRAYIVS ille.  
Ille sub AVGVSTA qui PRINCIPE rexit Hybernos,  
Fudit: ei meritaq; dedit temeraria pœnas:  
WYNTERO nec defuit hîc sua gloria nostro.  
Principibus qui sæpè fuit, celsisq; Dynastis,  
Regibus et summis solensqui sæpè Navarchus,  
Sæpè animosus erat classem Præfectus in omnem:  
Victtricem quam semper ovans salvamq; reduxit.  
Nec tamen illæsus semper, nam vulnera corpus,  
Fert vndena, animum fortis referencia fortem.  
Multa quidem validè fecit suasuq; manuq;,  
Consilium, virtus, sive ars spectetur in illis.  
EDWARDO Regi charus MARIEq; PHILIPPO,  
Magnanimæ at fuerat charissimus ELIZABETHÆ,  
Quem propter fidè res et feliciter actas,

In Obitum W. Wynter

Militis aurati P R I N C E P S insignit honore :  
In quo permultos dignè provexerat annos,  
Vsq; superborum genus appulit Hispanorum,  
Perdita papali gens exitiale veneno,  
Quam postquàm in nostrum frenesis rabida impulit  
(En autem ò ter sancta ac invictissima Classis) æquor,  
Garrula verba modò per inania iactabundam,  
Atque in nos Orbi ferrum flammæq; crepantem,  
Flagra, vncos, furcas, ergastula, vincla, gabalos,  
Impiger assiduis noster W Y N T E R V S in armis,  
Sit licet efflictim graviterq; obnoxius, illis  
Et podagræ & lapidis sævis cruciatibus vsq;  
Non somnive cibi, canæ non cura senectæ,  
Cauta nec vlla suæ preciosæ cura salutis,  
(Prospicius iussit prius vt Nepunius heros,  
Iuge Thalassephorus belli virtute celebris,  
Quiq; sit æquorâ in re consultissimus omni  
C A R O L V S antiqui Dominus splendoris H O A R D V S,)   
Obvius excepit promptissimus illicò Miles,  
Et pro parte sua medios prorupit in hostes,  
In quos ritè globos proprijs agili arte manûque  
Ad plus quingentos audax exploserat ipse.  
Præcipuos inter virtus W Y N T E R I A quantum

Tunc



Equitis Aurati,

Tunc valuit, classis pomposa Hispanica sensit,  
Fortiter à nostris, quæ (Gratia Dijs) vbi nullo  
**ANGLIA** taeta modo, propulsa, fugatâque fusa est.

Vt quæ terrarum nuper iactanter vbique  
Ruat Io Pæan et Io, victoria, Pæan,  
Ampullas, gerras, bullas, ventosâq; verba,  
Parturiant montes nascens vbi ridiculus mus,  
Reddita nunc ronchi, ludibria, sanna, cachinni,  
Dedecus æternum <sup>et</sup> diffamia flata per Orbem:  
(Proh pudor) ista domum secum lacerata revexit:  
Scilicet antea Papa suum sacravit in Album.

Longè aliter **DEVS** at nobis (cui gratia) clemens,  
Hostibus exactis per quem manus Anglica victrix  
Tutata est patriam **REGINAM**, Religionem:  
Hicque suas partes **WYNTERS** gnaviter egit.

Splendida cui coniux defuncta reliquerat octo,  
Pignora quæ decorant morum formæque venustas.  
Verùm vbi Fata vocant, illis concedimus omnes,  
Clarus vt hic Miles modò (ceu mortalia quæque)  
Annis maturus fatis concessit et ipse.

Flebilis (ast eheu) luctus seu vota precesve,  
Si quid amiconum pia Numina flectere possent,  
Non foret immiti deflendè percitus ille

Tamque



In Obitum W. Wynter

Tamque repentina correptus morte: Sed euge,  
Arca tenet corpus, Nomen memorabile Fama,  
Empyreumq; animam (tribuit quod gaudia) Coelum.

*Mortuus in DOMINO, Beatus ergo.*

Ann. natus, 68.

*Coniugio iunctus cum D. Maria (quam unicam uxorem habu-  
it) Ann. . . .*

*A cuius funere Calebs. Ann. 15.*

*Liberis, quibus ubertim paternaeque providerat (quorumq;  
Masculi duo) superstitis, Sex.*

*Mortuus in CHRISTO Londini noctu Iouis xx. Febr. 1588.*

*Regni autem feliciss. DOMINAE nostrae REGINAE  
ELIZABETH, 31.*

*Exequiarum iustis (pro viri dignitate) satis splendide per Ed-  
wardum, pium in optimè meritum Parentem filium & Here-  
dem curatis, Tempestate serena atque itineribus faustis, Die  
Luna 10. Martij sequentis, ab urbe hic in Gloucestr. pagum  
(Natale scilicet solum) funus devectum: ubi apud Lidney su-  
um pradium, monumento quod iam pridem ipsemet sibi con-  
struxerat prudens, ad sepulcrum conditur.*

Olim focius, ut & (pro facultate) domi militiaeque  
Amicus semper, atque *AMICI* condicionis v-  
trunq; conscius, W. PATTEN, Gen. scripsit.

*FINIS.*



